



Diario

E MATUTINO DI ARUBA

Abonado pa luna Afl. 19,00*Pa ehemplar 80 cent*afia 12/No. 3470

DIAHUEBS 30 JANUARI 1992

POSIBLE MISION SECRETO DI AVP PA PAPIA CU COASTAL

FRERE FRANCISCUS A PASA DUSHI VACACION NA ARUBA



Awe Jan van Nunen, mihor conoci na Aruba como Frere Franciscus lo sali di regreso pa Hulanda, despues di a pasa un dushi vacacion riba e isla aki. Ta masha hopi hende mes na Aruba a yega di haya les di Frere Franciscus durante añanan di 1947 pa 1953, y na un forma masha contento mes e Frere a expresa su satisfaccion cu el a topa hopi di su alumnonan 'bieu' durante su bishita na Aruba. Riba e potret aki por mire huntu cu algun di su amigonan cu a bishite, mientras e ta den compania di su esposa Will.

LA REINA A NOMBRA MR. OLINDO KOOLMAN GOBERNADOR

ORANJESTAD (AAN): Su Majestad La Reina a nombra Mr. Olindo Koolman, Inspecteur der Invoerrechten en Accijnzen na Aruba, entrante 29 di Januari 1992 como Gobernador di Aruba. Mr. Koolman lo bira sucesor di Gobernador F.B. Tromp.

Un breve Curriculum vitae di Mr. O. Koolman kende a nace dia 15 di April 1942 na Aruba.

Mr. Olindo Koolman mihor conoci como "Lin" tin Doctoraal examen rechten - Post-academische opleiding: indirecte belastingen.

Aña 1966-1968 Ambtenaar na Landsontvanger kantoor; 1969-1983 Inspectie der Invoerrechten en Accijnzen; 1983-1985 Juridisch stafmedewerker, Departamento Staatkundige Structuur Eilanden; 1984-1985 Mr. Olindo Koolman a participa den diferente comision encarga cu preparacion di Status Aparte di Aruba. 1986



te awor Inspecteur der invoerrechten en Accijnzen.

Diabierna 31 di Januari Mr. Olindo Koolman lo sali pa Hulanda unda lo e huramenta e siguiente siman serca La Reina Beatrix. Na su regreso pa Aruba lo tin un reunion plenario di Staten pa su presentacion como Gobernador di Aruba.

RESORT DI DISNEY WORLD TIN UN SECCION DI "ARUBA"

ORANJESTAD (AAN): Aruba ta un di e cinco temanan cu ta forma un resort recién habri di Walt Disney World cerca di Epcot Center y Disney-MGM Studios cerca di Orlando, Florida.

E corant The News ta raporta cu e area di "Caribbean Beach" cu a ser traha riba 200 acre di tereno, ta parti di e area di "Magic Kingdom Resort" y ta consisti di cinco "village" bunita rondona pa un lago di 42 acre.

Cada village ta representa un isla den Caribe. E cinco islanan ta Aruba, Jamaica, Barbados, Martinique, y Trinidad.

Cu su 2.112 habitacion, esaki ta un di e hotelnan di mas grandi di Merca.

E seccion di Aruba banda di e lago ta completamente cu santo blanco, cu ta pone hende corda riba e beachnan di Caribe di alta calidad cu a haci Aruba famoso.

TRAHADORNAN DI HOSPITAL TA DECIDIDO PA BAY DEN ACCION